

ODLUKA

O PROŠIRENOM OBIMU PRAVA ZA KORIŠTENJE ORTOPEDSKIH POMAGALA, LIJEKOVA, MEDICINSKO-SANITETSKIH SPRAVA I MATERIJALA ZA RATNE VOJNE INVALIDE SA PODRUČJA KANTONA SARAJEVO

("Sl. novine Kantona Sarajevo", br. 13/2004, 11/2006, 16/2011 i 38/2018)*

I - OSNOVNE ODREDBE

Član 1

Ovom odlukom se utvrđuje prošireni obim prava na korištenje/nabavku ortopedskih pomagala i njihovu opravku, lijekova i sanitetskog materijala za ratne vojne invalide, kao i posebni medicinsko-sanitetski materijal za ratne vojne invalide-paraplegičare, sa područja Kantona Sarajevo, kao i način i postupak ostvarivanja ovih prava.

Pojmovi "ratni vojni invalid" i "ratni vojni invalid-paraplegičar", odnose se na oba spola.

Finansiranje prava iz stava 1. ovog člana se obezbjeđuje u punom iznosu, na način i u skladu sa ovom odlukom.

Član 2

Obim prava iz člana 1. ove odluke, određuje se jedinstvenom listom pomagala, endoproteza, lijekova i medicinskosanitetskog materijala, a koji su utvrđeni prema vrsti, roku trajanja i cijeni koštanja.

Član 3

Ratni vojni invalid i ratni vojni invalid-paraplegičar (u daljem testu: RVI/RVI-paraplegičar) ostvaruje pravo na medicinsko sredstvo na osnovu medicinske indikacije, nalaza i preporuke ordinirajućeg ljekara specijaliste, konzilijuma ljekara specijalista nadležne zdravstvene ustanove odnosno izabranog ljekara porodične medicine, a u skladu sa odredbama ove odluke.

Ratni vojni invalid ostvaruje pravo na ortopedsko pomagalo, odnosno endoprotezu, nakon isteka roka korištenja, a na osnovu ličnog zahtjeva koji podnosi Ministarstvu zdravstva koji na temelju službene evidencije koju vodi o ratnim vojnim invalidima, cijeni opravdanost zahtjeva sa aspekta roka korištenja (u daljem tekstu: Ministarstvo).

Ministarstvo je dužno o zahtjevu iz prethodnog stava odlučiti u roku od 7 dana od dana prijema zahtjeva.

Član 4

Ratni vojni invalidi imaju pravo na opravku ortopedskih pomagala i endoproteza, u punom iznosu na teret proizvođača u skladu sa ugovorom.

Ratni vojni invalid ima pravo na opravku ortopedskih i drugih pomagala utvrđenih ovom odlukom u punom iznosu a na teret sredstava izdvojenih na proširena prava ove kategorije osiguranika.

Član 5

Ratni vojni invalidi ostvaruju pravo na specifične lijekove utvrđene ovom odlukom, a koje propisuje doktor porodične medicine, na osnovu prijedloga i nalaza specijaliste određene grane medicine.

Ratni vojni invalidi ostvaruju pravo na lijekove na posebnom obrascu recepta koji je crvene boje.

Član 6

Ratni vojni invalidi se oslobađaju participacije za lijekove sa liste lijekova koji se propisuju i izdaju na teret sredstava obaveznog zdravstvenog osiguranja Kantona Sarajevo.

Sredstva po osnovu ličnog učešća - participacije za lijekove propisane ratnom vojnom invalidu, u smislu stava 1. ovog člana, snosi Ministarstvo.

Član 7

Pravo na sanitetski materijal, ratni vojni invalid ostvaruje na osnovu nalaza i mišljenja doktora medicine u primarnom nivou zdravstvene zaštite, gdje bi se za svakog RVI trebao otvoriti poseban karton za ortopedska i medicinsko-sanitetska pomagala.

II - JEDINSTVENA LISTA ORTOPEDSKIH POMAGALA, SANITARNIH SPRAVA I MATERIJALA, MEDICINSKE INDIKACIJE, ROKOVI KORIŠTENJA I NJIHOVA CIJENA

Član 8

RVI/RVI-paraplegičarima, po osnovu proširenog obima prava, u medicinski indiciranim slučajevima, priznaje se pravo na sljedeće:

“Prilog član 8. proširenog obima prava za RVI KS” možete preuzeti u pdf format-u objavljen pored ove Odluke.

Član 9

RVI-paraplegičari imaju pravo i na specifične lijekove i to:

INN	Oblik	Jačina	Zaštićeni naziv
sildenafil	tablete	25 mg, 50 mg, 100 mg	Viagra-Pfizer Luxembourg SARL.
	Film tablete	25 mg, 50 mg, 100 mg	Dinamico-Pliva Hrvatska d.o.o. Revatio-Pfizer Luxembourg SARL.
tadalafil	Film tablete	10 mg, 20 mg	Vizarsin-Krka tovarna zdravil d.d.-EliLilly Ex port S.A.
verdenafil	Film tablete	5 mg, 10 mg, 20 mg	Levitra-Bayer Schering Pharma AG

(2) Za urinarnu inkontinenciju i česti nagon za mokrenjem kod pacijenata sa nestabilnim mokraćnim mjehurom koji je uslovljen njegovom aktivnošću

INN	Oblik	Jačina	Zaštićeni naziv
oxybutynin chloride	tablete	5 mg	Ditropan ili lijek kojise nalazi u chloride prometu po osnovu interventnog uvoza do okončanja postupka registracije lijeka od strane Agencije za lijekove i medicinska sredstva BiH

(3) Za liječenje bakterijskih infekcija, za sistemsku primjenu, svi antibiotici registrovani od strane Agencije za lijekove i medicinska sredstva BiH, a prema antibiogramu.

(4) Za spazam mišića kao miorelaksans

INN	Oblik	Jačina	Zaštićeni naziv
Baklofen	tablete	10 mg, 25 mg	Lioresal ili lijek koji se nalazi u prometu po osnovu interventnog uvoza do okončanja postupka registracije lijeka od strane Agencije za lijekove i medicinska sredstva BiH

IV - IZRADA, NAČIN KORIŠTENJA ORTOPEDSKIH POMAGALA, ENDOPROTEZA I STOMATOLOŠKO-PROTETSKIH SREDSTAVA

Član 10

Medicinska sredstva iz člana 8. Odluke RVI/RVI-paraplegičar naručuje i preuzima neposredno kod registrovanog proizvođača medicinskih sredstava, u specijaliziranim trgovinama na malo medicinskim sredstvima, odnosno u ugovornim apotekama sa kojima Zavod zdravstvenog osiguranja Kantona Sarajevo ima zaključen ugovor o izdavanju lijekova i medicinskih sredstava, uz predočenje potvrde o odobrenom medicinskom sredstvu ovjerene od strane Ministarstva i Zavoda zdravstvenog osiguranja Kantona Sarajevo.

Potvrdu iz stava 1. ovog člana Ministarstvo i Zavod zdravstvenog osiguranja Kantona Sarajevo ovjeravaju bez odlaganja, u skladu sa preporukom ordinirajućeg ljekara specijaliste, konzilijuma ljekara specijalista nadležne ustanove, odnosno izabranog ljekara porodične medicine koji je medicinsko sredstvo propisao RVI/RVI-paraplegičaru.

Ministarstvo će vršiti kontrolu isporuke i preuzimanja medicinskog sredstva kod dobavljača.

Način kontrole iz prethodnog stava, utvrdit će ministar zdravstva Kantona Sarajevo posebnim aktom.

RVI/RVI-paraplegičar nema obavezu vraćanja medicinskih sredstava nakon isteka roka korištenja.

Član 11

Ratni vojni invalid u medicinski indiciranim slučajevima, a na prijedlog ljekara specijaliste, ima pravo na zamjenu ortopedskog i drugog pomagala utvrđenog u članu 8. ove odluke i prije isteka roka utvrđenog ovom odlukom.

Član 12

Nakon isteka roka utvrđenog u članu 8. ove odluke, utvrđuje se potreba za novim pomagalom i vrši se zamjena pomagala, a ratni vojni invalid je dužan da ga savjesno koristi.

Član 13

Rokovi trajanja pomagala utvrđeni u članu 8. ove odluke računaju se od dana dobijanja pomagala.

V - SREDSTVA ZA FINANSIRANJE PROŠIRENIH PRAVA

Član 14

Proširena prava ratnih vojnih invalida utvrđena ovom odlukom, finansiraju se iz sredstava budžeta Kantona Sarajevo.

Član 15

Ministarstvo će u budžetu Kantona Sarajevo, osigurati finansijska sredstva, potrebna za pokriće troškova za zadovoljavanje proširenog obima prava ratnih vojnih invalida, a koja su propisana u članovima 8. i 9. ove Odluke.

Zavod zdravstvenog osiguranja Kantona Sarajevo će osigurati finansijska sredstva za obim prava na korištenje ortopedskih i drugih pomagala, koja su propisana Uredbom o obimu prava osiguranih lica na korištenje ortopedskih i drugih pomagala, endoproteza, stomatološko-protetske pomoći i stomatološko-protetskih nadomjestaka ("Službene novine Kantona Sarajevo", broj 13/04).

VI - PRELAZNE I ZAVRŠNE ODREDBE

Član 16

Prava koja nisu regulisana ovom odlukom, ratni vojni invalidi ostvaruju na način i u obimu utvrđenim Uredbom o obimu prava osiguranih lica na korištenje ortopedskih i drugih pomagala, endoproteza, stomatološko-protetske pomoći i stomatološko-protetskih nadomjestaka.

Član 17

Ova odluka stupa na snagu osmog dana od dana objavljivanja u "Službenim novinama Kantona Sarajeva".

Samostalni član Odluke o izmjeni i dopuni

Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojnike invalide sa područja Kantona Sarajevo

("Sl. novine Kantona Sarajevo", br. 11/2006)

Član 7

Ova Odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se od 1. januara 2006. godine.

**Samostalni član Odluke o izmjeni i dopuni
Odluke o proširenom obimu prava za korištenje ortopedskih pomagala, lijekova, medicinsko-
sanitetskih sprava i materijala za ratne vojne invalide sa područja Kantona Sarajevo**
(*"Sl. novine Kantona Sarajevo", br. 16/2011*)

Član 4

Ova Odluka stupa na snagu danom donošenja, a objavit će se u "Službenim novinama Kantona Sarajevo".

**Samostalni članovi Odluke o izmjeni
Odluke o proširenom obimu prava za korištenje ortopedskih pomagala, lijekova, medicinsko-
sanitetskih sprava i materijala za ratne vojne invalide sa područja Kantona Sarajevo**
(*"Sl. novine Kantona Sarajevo", br. 38/2018*)

Član 6

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo.

Član 7

Ova odluka stupa na snagu narednog dana od dana objavljivanja u Službenim novinama Kantona Sarajevo.